

Zenica, 17. 09.2020. godine
Broj: 624/20

PLAN
organizacije i rada za vrijeme trajanja pandemije
novog koronavirusa (SARS-CoV-2) i oboljenja koje on uzrokuje (COVID-19)

Član 1.

S obzirom na trenutnu epidemiološku situaciju na području ZDK i Federacije BiH određuju se posebne mjere pri obavljanju redovnih zadataka i poslova za sve radnike Javne ustanove Bosansko narodno pozorište Zenica (u daljem tekstu: *JU BNP Zenica*).

Član 2.

Svi radni zadaci obavljat će se na način da neposredni rukovodioci radnih jedinica *JU BNP Zenica* organizuju rad tako da se, ukoliko radni procesi to omogućavaju, izvrši preraspodjela i organizacija rada na određenim radnim mjestima, kako bi se obezbijedila međusobna udaljenost od 1,5 – 2 metra između radnika koji učestvuju na radnom zadatku.

Član 3.

Na službenom kao i na ulazu za publiku *JU BNP Zenica*, postavljaju se dezinfekciona sredstva sa raspršivačima za ruke i dez-barijere za dezinfekciju obuće.

Zajedničke prostorije obavezno je provjetravati dva puta dnevno najmanje pola sata uz nadzor ulaznih vrata tamo gdje je potrebno, kako bi se spriječio ulazak osoba bez nadzora.

Kvake na ulaznim vratima obavezno treba dezinficirati što češće.

Najmanje jednom dnevno će se dezinficirati prekidači u zajedničkim prostorijama, kvake u zajedničkim prostorijama i kancelarijama, rukohvati u hodnicima, telefoni u zajedničkim prostorijama i kancelarijama.

Nadzor i kontrolu popunjenosti dezinfekcionim sredstvima vrši domaćin / šef službe marketinga ili druga osoba sa višegodišnjim iskustvom koju direktor zaduži, te spremačice u okviru djelokruga svojih radnih zadataka.

Član 4.

Svi radnici koji dolaze na posao, kao i treća lica koja iz bilo kojeg razloga dolaze u prostorije *JU BNP Zenica*, dužni su voditi računa o radu u uslovima fizičke distance.

Prilikom dolaska i odlaska s posla svi radnici su dužni pridržavati se preporučenih i određenih mjera zaštite (maske i druga preporučena zaštitna oprema), te neposredno prilikom ulaska u prostorije ustanove koristiti dezinfekciona sredstva.

Član 5.

U slučaju bilo kakvih respiratornih simptoma ili bilo kakvih simptoma koji upućuju na COVID-19, radnici su dužni preduzeti sve potrebne mjere ostvarivanja kontakta sa nadležnim zdravstvenim institucijama, o istom obavijestiti neposrednog rukovodioca ili upravu ustanove, a sve u cilju zaštite ostalih radnika.

Član 6.

Svi radnici su dužni preduzeti potrebne radnje ako su kontaktirali sa licima koja dolaze iz inostranstva sa područja u kojima su registrovana žarišta zaraze ili ukoliko postoji vjerovatnoća zaraze, te o tome obavijestiti rukovodioca, upravu ustanove i nadležne službe.

Član 7.

Kod obavljanja radnih zadataka i poslova svi radnici su dužni voditi računa da se grupisanje svede na najmanju moguću mjeru, kao i da se vrijeme pauze provodi na preporučenoj udaljenosti i socijalnoj distanci.

Sastanci u cilju organizacije radnih zadataka i drugo, Komisija i Upravnog odbora održavaju se na način da se poštuju mjere fizičke distance uz nošenje zaštitnih maski, u slučaju nemogućnosti održavanja neophodne distance.

Član 8.

Kod obavljanja radnih zadataka i poslova svi radnici i treća lica koja ulaze u *JU BNP Zenica* dužni su pridržavati se i provoditi preporuke iz dokumenta „Procedure za početak umjetničkih izvedbi i proba umjetnika – vodič za unapređenje sigurnosti“ izdatog od strane Instituta za zdravlje i sigurnost hrane Zenica, broj 02-1893/20 od 08.06.2020. godine, kao i eventualnih naknadnih revizija ovih Procedura.

Član 9.

Ovaj Plan sačinjen je zbog realne opasnosti od zaraze, te u vezi sa Odlukom Vlade Federacije BiH o proglašenju stanja nesreće uzrokovane pojavom novog koronavirusa na području FBiH od 16.03.2020. godine, kao i Naredbom Kantonalnog štaba civilne zaštite ZDK broj: 16-33-3232-79/20 od 05.05.2020. godine.

Član 10.

Ovaj Plan stupa na snagu danom donošenja i važi dok traju okolnosti uzrokovane COVID-19 u BiH ili do drugačije odluke od strane nadležnih organa, a bit će objavljen i na službenoj internetskoj stranici www.bnp.ba.

Javna ustanova

BOSANSKO NARODNO POZORIŠTE ZENICA



Miroljub Mijatović
Miroljub Mijatović, direktor

Dostavljeno:

- 1x oglasna ploča
- 1x domar JU BNP Zenica
- 1x voditelj Službe marketinga i prodaje
- 1x tehnički rukovodilac
- 1x web
- 1x a/a